

مشتاق

مطبعه و محل اداره :

جفال اوغلنده امنيت
مندوغي جوارنده
شنكول يقوشنده
۲۵ نومرو

اخطار :

مسلكمزه موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئونه اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قبرله دن مقوا بورو ایله کوندربلیسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۱ جمادی الآخره پنجشنبه ۲۶ مایس ۳۲۷

عدد : ۱۴۴

شئون

مصرده دعوت و ارشاد مدرسه سی . — نصارایک نشر دین قصدیه تأسیس ابتدائی ، مسیونر مکتب و مدرسه لری ، مسیونر جمعیت لری هر که معلومدر . اهل اسلامك صوك زمانلرده ، حیات وجهانك حال حاضرینه ، وفاق او یولده ، مؤسسات وجوده کتیرمک اوزره تفکرانده بولندقوری بر قاج دوسه لری ایشیدلمش ایسه ده بو تفکراتك تشبث درجه سنه کلدیکی هنوز واقع دکلدی . بو کره کمال سرور ایله استخبار ایتدی کمزه کوره ، قاهرده ، خرسیتیان مسیونر مدرسه لری پروگرامنه بکزرر پروگرام ایله ، دین اسلامك نشرینه مخصوص ، « دعوت و ارشاد » اسمنده بر مدرسه تأسیس تقرر ایتشد .

بو مدرسه ، « دعوت و ارشاد » جمعیت اسلامییه سی ادارستنده بولنه جقدر . « دعوت و ارشاد » جمعیتی سیاستله اصلا اوغراشمیوب صرف دینی و اخلاقی اموره حصر فکر ایده جکدر . مدرسه ده ، علوم دینه ایله برابر ، لزومی قدر علوم دینه ده تدریس اولنه جقدر . « دعوت و ارشاد » جمعیت و مدرسه سنك تشبثی ، مفتی دیار مصر شیخ محمد عبده نك شا کردی ، « المنار » صاحبی سید محمد رشید رضا حضرتلریدر .

خدیو عباس پاشا حضرتلریك كوچك قارده شی . امیر محمد علی پاشا ، جمعیتك فخری ریاستی قبول ایتشد . امیر محمد علی پاشا ، ویانه ده تهره ز یانوم ، مکتب عالیسنده اکمال تحصیل ایتمش ، بر قاج دفعه اورویانی : بر کره روسیه ، سربیا ، چین ، و ژاپونیا ، یعنی بویوك آسیای سیاحت ایده رك ، معلومات نظریه سنی مشاهداتیه تقویه و تأیید ایلمش ، اصحاب و قوفونددر . امیر محمد علی پاشا ، دعوت و ارشاد مدرسه سنه بیک مصر آلتونی تبرع ایله شدر .

« بومبای » ك پك بویوك تاجرلرندن و اولاد عربدن شیخ القاسم بن محمد ، اخیراً مصره کلدیکی زمان ، « دعوت و ارشاد » تشبثندن خبردار اولمش و در حال ۲۰۰۰۰ مصر آلتونی اهدا ایتدیکی کبی ، هر سنه ۱۰۰۰ لیرا ویره جکنی ده وعد ایله مشدر . بویولده همتنه مکافاة شیخ القاسم بن محمد ، « دعوت و ارشاد » جمعیتنه فخری اعضا انتخاب اولمشدر .

« دعوت و ارشاد » جمعیت مقدسه سی تشبثه ، فوق العاده سوبند یکمزی و موفقیتنه دعا ایتدی کمزی سوبله مه یه بیله حاجت یوقدر . آنجق کولکز ایستردی که بویله بر تشبث ایلک اوکجه « دار الخلافه » ده میدانه کلسین ، دین اسلامك ایلک « دعوت و ارشاد » مدرسه و جمعیتی دار الخلافه ده تأسیس اولسون . کچن سنه شیخ رشید رضا حضرتلری دار الخلافه ده بو خصوصده خیلی چالیشمشلردی ، فقط مع التأسف هر نه سببه منی ایسه موفق اوله مدیلر .

مصرده مسلمانان — قبطی رفائی — مصرك ۱۳ . میایونه قریب اهالیسنك ۷۰۰ بیک قدری قبطیلردر . بونلر ، مصرك اسکی سکنه سنیدن اولوب ، ایوم خرسیتیانلک قبطی کلیسا سنه منسوبدرلر . انجیللر اخراج اولندقدنه متباقی قالا ۱۲ میلیون نفوس اهل اسلامدر .

انکلیز استیلا سنه قدر قبطیلرک ، مصرده هیچ اهمیت سیاسیله یی یوقدی . انکلیزه ، مصری اداره یه باشلادیغدنبری ، انکلیزلرک دیندیشی اولان قبطیلرک امور سیاسی و اداره یه ده اهمیتلری آرتدقجه آرتدی . بر درجه ده که صوك زمانلر ، بر قاج بیک انکلیزه مستند بر قاج بیک قبطی ، ۱۲ میلونلق کتله عظیمه اسلامییه نك حاکم مستقلی کسلدی . مصرك بر چوق وزیراسی قبطی اولدینی کبی شهید محترم ابراهیم وردانی طرفندن قتل اولان بطرس غالی کبی بعضلری وزیر اعظملق مقامنه بیله صمود ایتشلردی ! بر قاج سنه اول حقوق سیاسی دن محروم اولان قبطیلرک ، بر قاج سنه صکره بویله حاکم واقف اوله لری ، بالطبع مسلمانلرک اهمیت دینی و ملیه لرینه طوقوندی ؛ مسلمانلر آره سنده حس ملی او یاندی . بر آووج قبطیک حکم و استبدادینه مقابله ایچون تدبیرلر دوشونلدی .

بوانتهه اسلامیدن حظ ایتمین قبطیلر ، حرکت هنوز باشلانمچنده ایکن اوکنه کچمک ایچون بر قونفره عقد ایده رك حامیلری اولان انکلیزلره مسلمانلردن شکایته قویولدیلر ؛ بر طاقم حقسنز ادعالرده بولندیلر ؛ از جمله مصرده مأمورین حکومتك اکثری قبطی اولدینی حالده ، محکمه لرده جمعه کونی تعطیل اولنیور ، بازارلری خدمت ایتدیریلیور ، بو حقسنز اقدر ، یوم تعطیل بازار اولسون دیدیلر ! ..

مسلمان بر مملکتده ، اهالیك ۱۶ ده برینی تشکیل ایدن خرسیتیان قبطیلرک بو جرأتکارقلری ، مصر مسلمانلرینی پك زیاده . تأثر ایتدی . ازلرده نیسانك صوك کونلرنده بر مسلمان قونفره سی طوبولادیلر . بو قونفره ، حسیات ملیه و اسلامییه نك صوك زمانلر مصرده قدر کب قوت و اتساع ایتدی کنه پك باهر بر دلیدلر . قونفره نك مقرراتندن اک مهمی ، قبطیلرک ، مقارینه غیر متناسب بر صورتده مملکته صاحب و حاکم اولمالرینه شدتلی پروتستو ایتت اولدی ؛ قبطی مأمورلرک مقدارینی ، موجودلریله متناسب بر حاله ارجاع طلب اولندی .

مصرك مسلمان قونفره سنه ، اون بیکه قریب اهل اسلام اشتراك ایتشد . قونفره هیأت مدیره سی یکریمی کشیدن عبارت اولوب ، حزب وطنی ، حزب اصلاحات و حزب ملی یه منسوب ذواتدن مرکب ایدی .

روسیه :

قزاق اریانی . — آسیای وسطانك مهم بر قسمی قاپالایان وصفوت اصلیه لرینی حالا محافظه ایدن قرغز — قزاق مسلمانلرینك